

Giuvanne cu' a chitarra

Renato Carosone

'A sera, 'ncoppe viche,
cu 'a chitarra, scenne pe' Tulèto...
Tene 'a cravatta gialla
e na giacchetta cu 'a spaccata arreto...
'E scarpe a varchetella
e nu cazone fatto a zompafuosso...
e chi s'avota 'a ccá...
e chi s'avota 'a llá...
guardánnolo 'e passá...

'O chiámmano Giuvanne cu 'a chitarra...
pecché sape cantá tutte ccanzone.
E' stato 'nnammurato 'e na figliola
che ll'ha lassato miezo scumbinato...
E porta 'e sserenate a 'e 'nnammurate:
pe' ciento lire canta "Anema e core",
pe' cincuciento fa ll'americano:
s'arrangia a 'mpapucchiá "Johnny Guitar"...
'O chiámmano Giuvanne cu 'a chitarra...
e pare 'o pazzariello de ccanzone!

Na sera fuje chiamato,
pe' na festa, sott'a nu balcone
ô vico Scassacocchi...
Primmo piano, 'ncopp'a nu lampione:
'a mana lle tremmaje
'sta serenata jéva a Margarita...
cu 'sta chitarra ccá,
tu mo che cante a fá?
pe' chi se vò' spassá?

'O chiámmano Giuvanne cu 'a chitarra...
pecché sape cantá tutte ccanzone.
'A cumitiva allèra e ll'emozione
'o fa cantá, chiagnenno, "Core 'ngrato"...
Pe' chistu pretendente ammartenato
mo cade nu biglietto appassionato...
e s'arricorda, quanno da 'o balcone,
cadevano cucozze e 'nfamità...
E canta po' Giuvanne cu 'a chitarra
cu 'a vocca amara e cu na funa 'nganna...

Na sera pe' Tuleto
n'ombra scura saglie 'a coppe viche...
Giuvá' che ce vuó' fá?
'a vita è chesta ccá:
cucozze e 'nfamità!